



सानसेयारि **“बड'सा”** खरीर्लाइयाव
ख्माज्यादि जिउजो लोब्बा थानाय रायथाय, खन्थाय,
खल', खल'बाथा आबो दावबायादि थावनि, पार्क
बाइदिनि सायाव लिन्नाय लिन्बिदां दैथाय हर/
सानसेयारि **“बड'सा”** खरीर्लाइया सेबखानाबै
फोसावगोन/
बड'सायाव लिन्नायनि हुडा खलाम,
“बड'सा” खरी नौथां, जौ बयबो आंगो खलाम।
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 2 August, 2025 Kokrajhar, BTC, Assam ★ Vol.-35, Issue No.129 ★ R.N.I. Regd.No.40994/91, Assam Govt. Regd. No. IPRD.40/2006/3, Rs.8/-

बिजिरसालिया जाबाय न्याइनि मन्दिर, जाय सरासन्त्रा सुबुंफोरनि थाखाय मिजिनि आलारि बाथि बायदि: गिबि मन्थि

**गिबि मन्थिआ आमिनगावआव लुफुंजानाय कामरुप
जिल्ला न्याइ बिजिरसालि गेटखौ बेखेवदों**

दिसपुर, 1 आगस्ट: मोनसे गोरलैयैनो मोननो हानाय रंगौथि गोनां आरो गोदान मुगानि न्यायनि खाबु होनायनि फारसे राइज्यो सरकारनि रादाय होनायनि मख'जाथाव फिथाइ महैर गिबि मन्थि ऊ हिमन्त बिश्व शर्माआ दिनै कामरुप जिल्लानि आमिनगावआव गोदान लुफुंजानाय कामरुप जिल्ला न्याइ बिजिरसालि गेटखौ मोनसे गोथार हाबाफारनि गेजेरजों बेखेवनानै



होयो। मख'नो गोनांदि, 10 बिधा हाखौ आवग्रिनानै लानाय बे बेसेबा गुवार बिजिरसालिनि लांगोनायाव फैगौ 3 जौथाइनि गोनांथिखौ नोजोर होनां गं 15 बिजिरसालिनि राहा खालामनाय जादों। गासै 52.25 कौटि रं बिथांखिनि खरसाजों बे

(□ 6 बिलाइआव)

फैगौ 9 सेप्टेम्बरआव लेडाइ हादतगिरिनि बिसायख 'थि

गोदान दिल्ली, 1 आगस्ट : जगदीप धनकड़आ हरखाबै लेडाइ हादतगिरि मासिनिफ्राय बिबान एंगलायनायनि उनाव दिनै शक्रुबारखालि भारतनि बिसायख 'थि आयगआ लेडाइ हादतगिरिनि बिसायख 'थि खुनो समफारि फोसावो। भारतनि बिसायख 'थि आयगआ फोसावनाय मोनसे बिथोनजारिनि गेजेरजों फैगौ 9 सेप्टेम्बरआव हादतनि 17 थि लेडाइ हादतगिरि बिसायख 'थिनि भट आजावनाय जागोन। बे बिसायख 'थिनि थाखाय नमिनेसन लाइ गथायनायनि जोबथा अक्टखौ 21 आगस्टसिम फोसावनानै बिजाथिफोरनि मुं बोखानानै लानायखौ 25 आगस्टसिम थि खालामनानै होनाय जादों। फुंबिलि 10:00 बाजिनिफ्राय बेलासिनि 5:00 बाजिसिम भट आजावनाय जागोन आरो बे सानखालिनो भट सान्नायनि फिथायखौबो फोसावगोन।

17 थि लेडाइ हादतगिरिनि बे बिसायख 'थियाव देरहासाद जानाय बिजाथिआ फैगौ 5 बोसोरसिम भारतनि लेडाइ हादतगिरि महैर हाबा मावनो हागोन आरो बिथाडनो राइज्यो सभानिबो आफादगिरि जागोन। मख'नो गोनांदि, पार्लियामेन्टनि दैज्लां बोथोरनि जथुमानि गिबि सान (21 जुलाइ) आव मुस्नि धनकड़आ हरखाब बिबान एंगलायनायनि थाखायनो लेडाइ हादतगिरि मासिनि बिसायख 'थि खुनो गोनांथि जानानै फैदोंमोन। बिथाड गावनि

(□ 6 बिलाइआव)

बड'लेण्डआव सान-हर बिजेपि मन्थि, दैदेनगिरि

गोलाव बोसोर नाजानानै बड'लेण्डआव बिजेपिआ गोखों मह'मोनबाय: मन्थि सिंघाल

कक्राझार, 1 आगस्ट: फैगौ बिटिसि बिसायख 'थिया जेसेनो खाथियाव सफैदों एसेनो बड'लेण्डआव बिजेपि दोलोनि दरफ्रोमबो बियाबआव हाबफैनाया बांसिन्नो हमदों। कक्राझार जिल्लानि मोन 12 बियाबआव बिजेपि दोलोआ दोलोनि मावफारिया जथुम खुनानै दोलोनि बिथाखौ गोखों खालामनो नाजाबाय थानाय जादों। बेरफारसे बिजेपिनि दोलोआरि बिथाखौ दखल खालामनो थानाय साननैसोनि गेजेराव कक्राझार जिल्लाआव



थाफैनाय मन्थि अशक बिबानगिरि फनि पाठकमोनहा। सिंघालआ थानाय सानखालि सिंघालजों लोगोसे दोलोनि मख'नो गोनांदि, अशक

(□ 6 बिलाइआव)

राइज्योयारि बिसायख 'थि आयगआ उदालगुरियाव बिटिसि बिसायख 'थिनि साखा-फाराथिखौ सावरायदों

उदालगुरि, 1 आगस्ट: दिनै उदालगुरि जिल्ला बेंगिरि मावख'नि सावराय खथायाव फैगौ बिटिसि बिसायख 'थिनि साखा-फाराथिनि सोमोन्दै मोनसे गोनांथार गोजौ थाखोआरि सावरायमेल खुंफुनाय जायो। बे मेलआव आसाम राइज्योयारि बिसायख 'थि आयगनि बिबानगिरि रन्जन शर्मानि मासि



सामलायनाय 957 भट सोग्रा मिरुखौ साखा-उदालगुरि जिल्लानि मोन 10 फारा खालामनाय, गासै सा बिटिसि बियाबनि सिङ्गव गासै

(□ 6 बिलाइआव)

2025 बोसोरनि साहित्य अकाडेमि बान्था देरहानायफोरखौ बरायदों असम साहित्य सभाआ

गुवाहाटी, 1 आगस्ट: दिनै असम साहित्य सभानि बान्थायनायाव गुवाहाटीनि भगवतीप्रसाद बरुवा भवननि नेहा आगरवाला मेल सालिआव मोनसे साबायखर बाउनाय हाबाफारि खुनाय जायो। 2025 बोसोरनि साहित्य अकाडेमिनि असमिया आरो बर' रावनि गथ'सा थुनलाइ मोन्नो हानाय गुवाहाटीनि सुरेन्द्र महन दास आरो कक्राझारनि बिनय कुमार ब्रह्मजों लोगोसे लाइमोन थुनलाइ बान्था देरहानो हानाय शिबसागरनि सुप्रकाश भुञ्जा आरो उदालगुरिनि अमर खुंगुर बर'खौ बरायनानै मान बाउनाय जायो। असम साहित्य सभानि आफादगिरि ऊ बसन्त

(□ 6 बिलाइआव)

गिबि मन्थिआ अरुनदय बिथांखिखौ लानानै जर'खा फोसावदों

गुवाहाटी, 1 आगस्ट: दिनै राइज्योनि बयजोंबो अन्साइजाग्रा गिबि मन्थि ऊ हिमन्त बिश्व शर्माआ मोनसे गोनांथार खौरंगिरि मेल सामलायनायखौ नुनो मोन्दों। बे खौरंगिरि मेलआव गिबि मन्थिआ आसाम सरकारआ लानाय माखासे गोनांथार थांखिफोरनि सोमोन्दै रोखायै फोरमायथिनानै होदों। राइज्यो सरकारनि अरुनदय बिथांखिखौ लानानै गिबि मन्थिआ जर'खायै फोसावथाइ होदों। गिबि मन्थिआ फोरमायनाय



बायदिब्बा, फैगौ 17 सेप्टेम्बरआव हादतनि गाहाइ मन्थि नरेन्द्र मदिनि जोनोम सान फालिथाइनिफ्राय अरुनदय 3.0 खौ जागायजेनगोन। आथिखालनिफ्राय अरुनदय बिथांखि मोन्नो हाग्रा नख'रफोरस संग्रा गेस बायोब्बा 250 रं रेहाय मोनगोन। □

टिराफ ट्राइबेल बेल्टआव गर्खाजों लोगोसे मोन 6 थागिबि जनगस्टिफोरखौ सैरखाथियारि थाखोनि मान होदों

**गिबि मन्थि ऊ हिमन्त बिश्व शर्मानिसिम गर्खां
सन्मिलनआ गाहाम हामलायनाय बाउहदों**



उदालगुरि, 1 आगस्ट: आसामनि बयजोंबो अन्साइजाग्रा गिबि मन्थि ऊ हिमन्त बिश्व शर्मानि दैदेनायाव आसाम सरकारनि केबिनेटआ तिनसुकि या जिल्लानि बेंखनआव थानाय ट्राइबेल बेल्टआव आहम, मरान, मटक,

(□ 6 बिलाइआव)

उदालगुरियाव बिजेपि अबिसि मर्सानि जर'खा फसंथानआरि मेल खुंफुंदों

उदालगुरि, 1 आगस्ट: थानाय 31 जुलाइआव उदालगुरि जिल्ला बिजेपि मावख'आव गुबुन-गुबुन गोलेसोनाय थाखोनि एबा अबिसि मर्सानि जर'खा फसंथानआरि मेल खुंफुनाय जायो। मेलआव अबिसि मर्सानि जिल्ला

(□ 6 बिलाइआव)



कामरुप नोगोरमा जिल्लायाव मुलुगनां आहार सप्ताह बेखेवदों

कामरुप नोगोरमा, 1 आगस्ट: दिनै दुलाराय राइज्योजों लोगोसे कामरुप नोगोरमा जिल्लायावबो मुलुगनां आहार सप्ताह फालिनाय जायो। हादरारि सावस्त्रि मिचन आसामनि बान्जायनायाव आरो कामरुप नोगोरमा जिल्ला सावस्त्रि समितिनि हेफाजाबआव नोगोरमानि धिरेनपारा एफ आर एउआव दिनै बे



सप्ताहखौ बेखेवनाय जायो। बोसोरफ्रोमबो 1 आगष्टनिफ्राय 7 आगष्टसिम राइज्योनाडैनो मुलुगनां आहार सप्ताह फालिनाय जायो। बे सप्ताह फालिनायनि गुबै

(□ 6 बिलाइआव)

सावस्त्रि बिफानआव रंनि गोनांथि नडा, फोरोंथाइ गोनां सुबुंनिसो आंखाल: अशक सिंघाल

**गसाइगाव आरएनबि सरकारि देहा फाहामसालियाव
मन्थि अशक सिंघालआ नायगिदिहैदों**

गसाइगाव, 1 आगस्ट: दिनै बेलासिनि 5:00 रिंगासो समाव आसाम सरकारनि सावस्त्रि आरो नख'र अन्साइ बिफाननि मन्थि अशक सिंघालआ गसाइगावनि हाबुबिलआव थानाय आरएनबि सरकारि देहा फाहामसालियाव नायगिदिहैयो। गं 200 बिसिना गोनां सरकारि देहा

(□ 6 बिलाइआव)



आसानि सोद्रोमाफोरा एमपि कामाख्या प्रसाद तासानि मुसुखा सावदों

उदालगुरि, 1 आगस्ट: बे खेबनि बिटिसि बिसायख 'थियाव बिजेपि दैदेनगिरि मावफारियाफोरखौ साहा बागानाव हाबनायखौ होबथानो फोसावदों दुलाराय आसाम आदिबासि फरायसा आफाद (आसा) आ।

(□ 6 बिलाइआव)



उदालगुरि जिल्ला एबसुनि 15थि 13 बोसोर बैसो सिंनि जोबथा जोलुर बादायलायनाया दिनै जोबलांबाय

उदालगुरि, 1 आगस्ट : बड'फा गोजोरथियारि सोलायनाय मावथांखिखौ बिथा खालामनानै अदालगुरि जिल्ला दुलाराय बर' फरायसा आफादआ बोसोरफ्रोमबो 13 बोसोर बैसो सिंनि जोलुर बादायलायनायखौ जिल्ला आफादनि बेदोंङव थानाय मोन नैजिनै दख'रा आफादफोरखौ लानानै मोननै जनआव खुंबोबाय थानाय नुनो मोनबोनाय जादों। देरलायबो गुबुन बोसोरफोरनि बायदियैनो 15थि 13 बोसोर बैसो सिंनि हौवासाफोरनि जोलुर बादायलायनायखौ सोलिफु जुलाइ दाननि 12 खालाराव बेखेवजेनानै मैया 31 जुलाइ खालाराव फोजोबनाय एबा फाइनाल बादायलायनायखौ खुंफुनाय जायो।

(□ 5 बिलाइआव)



सुजुगिरिनि खोलोम

ज’ जानायनि लामा

बड’लेन्ड ओन्सोलखौ फारफ्रोमबो बिर्थिआव जौगाखांनाय लाबोनाय आरो हारिनि गिदरिथार सार्थआव हालामनि ओन्सोलारि रजखान्थि दोलो मोनै इडपिपिएल आरो बिपिएफखौ खौसेआव लाबोनानै फैगौ बिटिसि बिसायख’थिखौ ज’थै गेलेहोनो सिर्गानि माखासे समफोरव सांघ्रां जानाय नुनो मोन्नाय जादोंमोन। दोलो मोनैखौ खौसे लाबोनायनि बे नाजानाया माखासे दान सोलिदोंमोन। हालामनि गासैबो थाखोनि राइजो-राजा सुबुंफोरबो इडपिपिएल आरो बिपिएफ रजखान्थि दोलो मोनैखौ ज’ खालामनो नाजानाय हाबाफारिखौ गोजोन्नाय मोन्दोंमोन जानांगौ। मानोना ज’थै बिटिसि बिसायख’थि गेलेहोनो हायोब्ला खुंथाय गोहोल’नड, हालामनि ओन्सोलारि दोलो मोनैया ज’ जायोब्ला हारिनि खौसेथिया आरोबाव गोखोंसिन जानानै फैगोन, बांसिन जौगालु हाबा मावनो हागोन। लोगोसे जैरेबो-जेरवबो उन जानानै थालांनाय जौगाखानो हायै बड’लेन्ड ओन्सोलखौ खौसेथिनि गोहोर्जो साबसिनथार खुंथाय होनो हागोन। नाथाय सान्नाय थांखि बादियै ज’ जानायनि लामायाव फेनायखौ नुनो मोन्नाय जायखिसै। माखासे समनि उनाव गावजों-गाव दाय होलायनाय आरो सोंखारिलायनायखौसो नुनो मोन्नाय जाबाय। दासान्दि फिन दुलायय बर’ फरयसा आफादया हारिनि आरो बड’लेन्डनि सार्थआव इडपिपिएल आरो बिपिएफ ज’ जानानै फैगौ 5 थि बिटिसि बिसायख’थि गेलैनायखौ हास्थायनानै ज’ खालामनायनि राहा-लामा दिहुन्नो नांथाबनाय नुनो मोन्नाय जादों। बेखौ बयबो मिबथिगौदि,-बर’ हारिआ सेरखाय-बेरखाय जानानै थानाय समनिफ्रायनो हारिखौ खौसे खालामनाय, रजखान्थियारि थामोन्था, रव-हारिमु, सोलोंथाय फासै हारिखौ सांघ्रांथि लाबोनाय, जौगाहोनाय, समाजनि गात्रि हुदाफोरखौ फोसाबनाय, गुबुनजों सै सै खालामजानायनिफ्राय रैखाथि होनाय, मोनो गोनां मोन्थायखौ बिख’नानै हारिखौ फारफ्रोम बिथिडवनो जौगाखांहोनायनि दाबि-दावाफोरखौ लानानै नांथाबबोनाय आरो हारिआव नुजाफेनाय मोनफ्रोमबो खैंदां-अलखदनि समफोरव गसंथाबोनाय बादिनो दासिम हारि हिसाबै खौसेथिआव लाबोनाय बादिनो रजखान्थियारि बिथिडवबो ज’ बोन्थुमनानै लाखिनो नाजाथाबनाय दुलायय बर’ फरयसा आफादया सोलिफु समनि थासारिखौ नोजोर होनानै दोलो मोनैखौ ज’ खालामनायनि सायाव बाश्चा बुनाय आरो राहा लानाय नुनो मोन्नाय जादों।

बेयो थार दि,- रजखान्थि दोलोफोरखौ मोनसे नड मोनसे थांखि आरो आदर्शखौ लानानै दाफुंनाय जायो। बेखायनो जानो हागौ मावनो लानाय हाबा, थांखि आरो आदर्शफोर गोरोबलाया। नाथाय गावनि ओन्सोल आरो हारिनि जौगानाय लाबोनो आरो हारिनि थानानै थानायनि इयुनखौ गोजों खालामनो दाफुंनायब्ला ज’ जालायनायनि लामाखौ दिहुन्नो हायो। ज’ जालायनायनि ओंथिया बे नडादि-गावबा गाव दोलोखौ नागरानानै मोनसेआवनो ज’ जानाय। हादतआव खुंजालांनाय सुबुं आफादिनि बिसायख’थि, राइज्यो बिधान सभानि बिसायख’थिफोरवबो गावबा गाव दोलौनि आदर्शखौ लाखिनानैनो ज’ जानानै एबा एलाइन्सआव फैनानै बिसायख’थि गेलैनाय नुनो मोन्नाय जाबोदों आरो दासिम सोलिगासिनोबो दड। बे लामाजोंनो बर’फोरनि रजखान्थि दोलोयाबो एलाइन्सआव फैनानै बिसायख’थि गेलैनो हानायनि लामाखौ नुहरो। बेरफासै मासि रनलायनाया एलाइन्स रजखान्थिनि थाखाय गिदरि जेना महैर गसंथेनायखौ नुनो मोन्नाय जायो। मासि रनलायनायाव गोरोबलायनो हायैनि थाखायनो एलाइन्सआव फैनानैबो आलादायै बिजाथि फर्सनाय गोबां बिसायख’थिफोरव नुनो मोन्नाय जायो। एलाइन्स बिसायख’थिआव जाय दोलौनि अन्जिमाया बांसिन मासि देहानानै फैनो हायो बे दोलोनिक्रायनो गाहाइ खुंगिरिनि बिबान सामलायनाय नुनो मोनो। दासान्दि 5 थि बिटिसि बिसायख’थिनि थाखाय बड’लेन्डनाइेनो फोसावदिंनायनि गोखों बार बारगासिनो दड। फोसावदिं मेलफोरव इडपिपिएल आरो बिपिएफ मोनैबो फैगौ बिसायख’थिआव गोबांथार मासि देहानानै सरकार दागोन होन्नानै दाबि खालामानाय खौरां बिजों आरो समाजआरि बिजोंफोरव सानफ्रोमबो गोसाराय नुनो मोनबाय थानाय जायो। मोनैबो दोलोया हासिनो सरकार दानो हानायनि गोहो मोन्दोनायखायनो ज’ जानायनि गोनांथिखौ बेखायनो गोसो होयाखै एबा सानाखै नामा होन्नानै सान्नाय सोफैयो। बेरफासै फोसावदिं मेलफोरव बिटिसिनि सिफ आरो बिटिआरनि सिफ रनलायनाय बाश्चा गोसाराया ज’ खालामनाय राहाफारिनिफ्राय गोजानाव दावश्रोदनायनि लामा होन्नानै गोबांखौनो सानो गोनां खालामदों। बिसायख’थिया फैयो आरो थाडो। बिटिसिनि 5 थि जेनेरल बिसायख’थिया खुंजानो गेजेरव दान मोनसेल’ सम दंबावसै। बिसायख’थिनि समआ जेसेनो खाथि सुबोदों एसेनो गावबा गाव दोलोखौ देरहा होनो गोहो फोरानायाव नांथाबदों। खौसेब्ला थानानै थागोन, गावस्त्रायोब्ला गोहो गोलोन्दां जालांगोन। बे सान्नाय-हनायजोंनो ज’ खालामनायनि हाबाया सोलिबाय थार्थो। रजखान्थिखौ लानानै ओंथि गैये रव आरो नेहाद बाश्चाजौ गग्लोबलायनाय आरो गावआरि सार्थया ज’ खालामनायनि लामायावल’ नड, गुबुन गुबुन हाबायावबो हेथासो लाबोनो हागौ।

दिनैनि फान्जामुधि

राशि बाइदियै मुंनि गिबि हांखो

मेघ : अ ल
कर्कट : ड ह
तुला : त र
मकर : ख ज

बृष : ऊ ब (उ ए इ)
सिंह : म ट
वृश्चिक : ब न
कुम्भ : ग श (स)

मिथुन : क छ (ड घ)
कन्या : प ट (ण ष)
धनु : ध भ (ढ़ फ)
मीन : द च (ख ज झ)

मेघ: बबेबा गोजान जायगायाव दावबायहैनो मोन्नो हागौ। गोसोखौ गोजोन मोनगोन।

बृष: जेबो गैयै शान्तिन्यै थानो हागोन। फारफ्रोमबो मोजां।

मिथुन: माखौबा सान्नानै गोसोआव गिखांनाय मोनगोन। गोसोआव लोरबां लानो नाड।

कर्कट: माबाफोर मुवा-बेसाद मोन्नो हागौ। गोसोखौ गोजोन मोनगोन। मोजां सान।

सिंह: जेखि मावा शान्तिखौ मोन्नो हागोन। गोजोनै सम बारहोनो हागोन। मोजां सान।

कन्या: जेनाफोरखौ लानानै गिखांनाय मोन्नो हागौ। लोरबां जानो नाड।

तुला: जेरावखि जाया जायगायावनो दावबायनानै गोजोन्नाय लानो हागोन। मोजां सान।

वृश्चिक: देहायाव सान्नाय-सुनाय सोमजिनो हागौ। जैरेबो सांघ्रां जानांगोन।

धनु: गावखौनो गाव जोथोनै लाखिनांगोन। देहानि फारसे सांघ्रां जानांगोन।

मकर: गोबाव समनि नाजाबोनाय थांथिया जाफुंसारनो हागौ। गोसोखौ गोजोन मोनगोन।

कुम्भ: मोजां मोनलायनायनि गेजेरव अनलायनाया बांलांगोन। फारफ्रोमबो मोजां।

मीन: गोबाव समनिक्राय नाजानाय खामानिखौ जाफुंहोनो हागोन। गोसोखौ रंजाखांनाय मोनगोन।

मिरु सरकारा पिएम कृषि सम्पदा बिथानि

थाखाय 6,520 कौटिखौ गनायथि होदों

गोदान दिल्ली, 1 आगस्ट : मिरु सरकारा आबादारि आरो रेलवेजों लोब्बा गोनां मोन 5 गिदरि थांखि लादों। पिएम किसान सम्पदा यजनानि थाखाय 1920 कौटिनि उफ्रा रंखान्थिजों लोगोसे गासै 6,520 कौटि रंनि खरसाखौ गनायथि होयो। बे थांखिखौ 15 थि रंखान्थि आयगनि समाव सोलिनाय बिथांखिखौ नोजोर लाखिनानै लानाय जायो। सरकारा माहारियारि लोगो जौगाखां निगमनो 2 रोजा कौटि रंनि मदत होनो गनायथि होयो।

एनआइएआ मनिपुरआव 2024 नि जिरिबाम

बुथारनाय जाथायनि गाहाइ दायनिगिरिखौ हमबाय

इम्फळ, 1 आगस्ट: माहारियारि नायबिजिरग्रा एजेन्सि (एनआइए) आ थानाय 2024 नि नभेम्बर दानआव मनिपुरनि जिरिबाम जिल्लायाव जानाय बुथारलुंनाय केसआव सासे गाहाइ दायनिगिरिखौ हमो। दायनिगिरिखौ आसामनि कासार जिल्लानि मइनथल दिलक्षश घाटनि थागिबि थंलीनलाल हमार एबा बया महैर सिनायथि होदों। बिखौ थानाय बृहस्पतिबारखालि एनआइए आरो पुलिसनि मोनसे नायबिजिरनायाव हमो। बिबानगिरिफोरा बिनिक्राय गंसे मबाइल फन आरो मोनसे सिम कार्डबो बोखाडो। थानाय 2024 नि 11 नभेम्बरआव जानाय बे जाथायाव जिरिबामनि बरबेकरा ओन्सोलाव उतखारिफोरनि गेजेरजों सा 6 नोगोरारिफोरा सा 3 आइजो आरो सा 3



बेजों फसंथाना दाहार होनो थाखाय बांसिन रंखान्थि

बुथुमनायाव मदत मोनगोन। पिएम सम्पदा बिथांखिनि

रंखान्थि बुथुमनायाव मदत मोनगोन। पिएम सम्पदा



गथ’फोरखौ लांखारनानै बुथारदोंमोन। बेनि उनाव बिसोरनि गोथै देहाफोरखौ बराक दैमायाव गारहरो, जायजों गासै ओन्सोलाव गिनाय थासारि सोमजियो। एनआइएनि बादिब्ला, बयाआ बे जाथायनि बिथांखि बानायो आरो बिखौ फिन्नाय होनायाव एक्टिभयै बिफाव लायो। संदानगिरिफोरा फोरमायोदि, बिसोर भुगिनांग्राफोरखौ लांखारनो

आरो इंस गान्नाय सा 3 हाथियार लानाय गाग्लोबग्राफोरखौ जकुराधार गाथोननिक्राय केशलपुन्जी गाव गाथोनसिम सौहैहोनो थाखाय गावसोरनि नावखौ बाहायदोंमोन। एनआइएआ बरबेकरा पुलिसनिक्राय आरिस-15य2024यएफनआइएयआइएमपि महैर बेखौ नायबिजिरनाया दासिमबो सोलिगासिनो दड। बे केसखौ बिजिरसालियावबो दैखांनाय जाबाय।

तिनसुकिया रेलवे स्टेसनआव सा 26 बैसो जायै

हिन्जावसाफोरखौ रैखा खालामनो हादों



गुवाहाटी, 1 आगस्ट: आसामनि गोदान तिनसुकिया रेलवे स्टेसनआव बुधबारखालि हरआव मानसि लांखारनायनि मोनसे सन्देह खालामथाव केसआ फेलें जादों, जेब्ला सा 4 बैसो जायै गथ’फोरजों लोगोसे सा 26 हिन्जावसाफोरखौ रैखा खालामनाय जायो। बे

हिन्जावसाफोरखौ नंखाय आधार कार्ड बाहायनानै तामिलनाडुआव लांखारनो नागिरदोंमोन। बे जाथाया सोराडव फैयो जेब्ला डिब्रुगढ़ जंक्सनआव रेलवे रैखाथि हान्जा (आरपिएफ)नि जवानफोरा लान्थ्रियै नायबिजिरनायनि समाव हिन्जावसाफोरनि सिनायथिखौ फोरमानलाइआव

गोरोबलायै नुनो मोनो। बेले-बेजेखौ मोन्दांथिनायाव बिसोरो थाबैनो तिनसुकियाआव गावसिनि लोगोयारिफोरनो खौरां होयो, मानोना ट्रेनआ गिबियावनो स्टेसननिफा य ओंखारलांबायमोन। आरपिएफ आरो तिनसुकिया जिल्ला पुलिसआ मोनसे जुथाय अपारेसनखौ सालायो। गोदान तिनसुकियाआव ट्रेनखौ होबथानानै बिबानगिरिफोरा गासै सा 26 हिन्जावसाफोरखौ रैखा खालामो आरो बिसोरजों लोगोआव थाफानाय सुबुं जितु दत्तखौ बेंखनआव लायो। उनाव बियो नंखाय आधार कार्ड बाहायनायखौ गनायथियो।

मिज’रामआव लामा बानायफिननो थाखाय एनएइस-

306 आव गारि सिबिथायफोरखौ दोन्थ’दों

आइजल, 1 आगस्ट: फालांगियारि गारि सालायग्राफोरा सोलिबाय थानाय लामा बानायफिन्नाय हाबाफारिखौ लान्थ्रियै सोलिहोनो थाखाय 4-9 आगस्टसिम भेरेंटे आरो आइजलनि गेजेराव माहारियारि राजा लामा-306 आव सप्ताहसेनि थाखाय सिबिथायफोरखौ दोन्थ’नो फोसावदों। थानाय बृहस्पतिबारखालि खौरांगिरिफोरजों सावरायनानै हान्था-मेल्ला बिथिनि थान्दैफोरा रोखा खालामनानै होदोंदि, बे थांखिखौ खहा जानाय राजा लामायाव बानायफिन्नाय हाबाफारिफोरखौ गनायथि होनो



थाखाय लानाय जादों। बिसोर बे बाश्चाखौबो बुंदोंदि, जुदि बानायफिन्नाय हाबाफारिआथि समनि गेजेराव आबुं जायाब्ला बिसोर सोमावसारनायखौ जागायनायनि सायावबो सावरायनो हागौ। गोहोम गोनां राजा लामाया आसामखौ सिल्चर सहरनि गेजेरजों

हादरनि गुबुन बाहागोफोरजों लोगोसे मिजरामनि गुदि लामा आरो बेयो गोनां जानाय मुवा-बेसाद लांलाय-लाबोलायनि थाखाय मख’जाथाव। सैरां-कावनपुइ खान्डआव मौसुमि बोथोरजों जर’खायै गोहोम गोग्लैयो, जेराव गोबां अखा हानायनि जाहोनाव खहा जायो।

यजनानि गासै रंखान्थिनि गेजेराव 1 रोजा कौटिखौ मोननै गाहाइ बिथांखिफोराव खरसा खालामनाय जागोन। बेयाव गुबुन गुबुन फसलफोरखौ गोलाव समसिम रैखाथियै लाखिनो थाखाय मोन 50 आफादफोर दानाय जागोन। बेनि गोहोआ 20-30 लाख टन जाग्रा आदार सैरैखाथिनि जागोन। बेबायदिनो जाग्रा आदार रैखाथि बेबे’स्थयाव साबस्त्रांनाय लाबोनो थाखाय गं 100 आन्जादसालि खुलिनाय जागोन। बेजों जाग्रा आदार

संरैखाथि बिथिडाव गुदि-बिथाफोरखौ जौगाखां खालामनाय जागोन। क-अपारेटिभ कमिटिफोरखौ गावनि आथिखालाव गसंनो हानाय खालामनाय थांखिजों मिरु सरकारा एनसिडिसिनो 2025-26 निक्राय 202-29 सिम 4 बोसोर बिथांखिखौ गनायथि होयो। बेनि गेजेरजों निगमनो मोनफ्रोम 5 बोसोरनि गेजेराव 100 कौटि रंनि हेफाजाब होनाय जागोन, जायनि सायाव बिथा खालामनानै बिसोर बाजारनिक्राय 20 रोजा कौटि रं बुथुमनो हागोन।



थानायनि सायाव सोंथि दिखांदों। बिथाडा बुडोदि, आफादआ थानाय 2023 आव सोमोन्दो थानाय बिबानगिरिफोरनि खाथियाव बे आयदाखौ दिखांदोंमोन आर बिसोर 3 दाननि गेजेराव मोनसे रिपर्ट दिन्थिनाय जागोने होन्ना खोथो होदोंमोन। बै समनिक्रायनो आयेने बेरैखा बानायनाय हाबाफारिया सोलिबोगासिनो दड। नजियारआ बुंभावयोदि, इउनियनआ बेफोरखौ बन्द खालामनायजों लोगोसे जेबो

आयेनारि फोरमानलाइ गैया जासे बेयाव थाग्रा सुबुंफोरखौ होस्त्रांनोबो दाबि दैखांगोन। बे ओन्सोला लसहटुन एबा आपार शिलं दरबारनि मोन्थायारि ओन्सोलाव गोग्लैयो। केएसइउआ जेबो थि फोरमान लाइ गैया जासे बेयाव थाग्रा सुबुंफोरा माबौरैरेशन कार्ड आरो इपिआइसि बायदि सरकारि फोरमानलाइ मोनखो होन्नानैबो सोंथि दिखांदों। इउनियनआ बिबानगिरिफोरखौ बे केसखौ सुस्त्रांनो थाखाय थाबैनो थांखि लानो खावलायदों।

डनाल्ड ट्रम्पआ गोदान टेरिफ जाबसिन्नाय

बिथोननि सायाव मुंसाइ होबाय



बिथोननि सायाव आमेरिकानि हादतगिरिया मुंसाइ होदों, बेवहाय बुंनाय जायोदि, बे

बिथोननि उनाव 7 साननि गेजेरावनो गोदान टेरिफनि टेक्सआ सोलिसिगोन।

Name Correction

That, my actual / correct name and surname is **BANUMA BRAHMA**, which is recorded in my Aadhaar Card, Vide Card No.- **2197 9847 3166**, Land Documents, covered by **Dag No.- 2928, 2945, Patta No.- 1647**, situated Kokrajhar Town under Kokrajhar Revenue Circle, Dist. Kokrajhar, BTR, Assa and other relevant documents.

That, in the Land Record / Land Documents, covered by **Dag No.- 2945, Pat No.- 1647**, situated at Kokrajhar Town under Kokrajhar Revenue Circle, Dist. Kokrajhar, BTR, Assam, wherein my name and surname has been recorded as **BANUM BRAHMA** instead of **BANUMA BRAHMA**.

That, I do hereby declare that **BANUMA BRAHMA** and **BANUM BRAHMA** is th same and one identical person who is none other but myself.

Banuma Brahma
W/O. Santosh Kr. Basumatary
Kokrajhar Town, Swrang Nagar, Ward/ No. 4
P.O., P.S. & Dist.- Kokrajhar BTR Assam
PIN- 783370

भारतआ थामथि बयनिखुइ देरसिन सलार इनाजी दिहुनग्रा हादत जाबाय

गोदान दिल्ली, 1 आगस्ट : मिरुयारि मन्थि प्रल्हाद जशिआ थानाय बृहस्पतिखालि फोरमायोदि, भारतआ जापानखौ उन खालामनानै सलार इनाजी दिहुन्नायाव मुलुगनि थामथि बयनिखुइ देरसिन हादत जाबाय। हरिमायारि इनाजी एजेन्सि (इरेना) नि अनजिमाखौ फोरमायनानै इनाजी मन्थिआ बुडोदि, भारतआ दासिमाव 1,08,494 गिगावाट आवार (जिडब्लिउएइच) सलार इनाजी दिहुनखांबाय आरो जापानआ 96,459 जिडब्लिउएइच सलार इनाजी दिहुनबाय। मोनसे एक्स पस्टआव ग्राहाइ मन्थि मदिनि दैदेन्नायखौ बाख्यायनानै जशिआ बुडोदि, भारतआ मुलुगयारि साबसिन इनाजी सोमावसारनायाव गोजौ जायगा आवग्रिनो हाबाय। बे जाफुंसारनाया बेनि थाखायबो मख'जाथाव, मानोना भारतआ



2030 सिमाव 500 गिगावाट इन्धननि सायाव सोनारै मोब्लिब गोहोनि गावसोरनि थांखिखौ आबुं खालामनो थाखाय गोखोडै खामानि मावगासिनो दं। बे बिथिडव भारतनि जौगाखांनाया इनाजी रैखाथिखौ बां'होनायजौ लोगोसे मुलुगयारि बोथोर

होलायनायनि हेंथायैबो मोनसे गोखौ थांखि महरै फोरमान जागोन। हरिमायारि इनाजी एजेन्सिनि 2024 नि अनजिमाफोरनि बायदिब्ला, सलार पिभि गोहोखौ बां'होनायाव चीनआ बयनिखुइ सिगां। बिसोर 2023 आव 260 गिगावाटखौ बां'होदों ,

जाय थांनाय बोसोरनि रुजुनायाव गासै 3 गुण। बेराफारसे आमेरिकाआ 2022 आव आइआरएआव सलार पिभिनि थाखाय गोदान रांखान्थि सोफादों। आमेरिकायाव पिभि बुंनाया 2023 आव 70 जौखोन्दो बांनानै रिकर्डआ 32 गिगावाटसिम सौहैयो।

चम्फाइ जिल्लायाव 33 कौटि रांनि मेथा टेब्लेट जब्द खालामदों

आइजल, 1 आगस्ट: मिज'रामनि जटे ओन्सोलाव फेग्रा बेसादफोरनि स्मगिलं खालामग्रा नेटवार्कनि सायाव नायबिजिरनायाव 33.33 कौटि रांनि मेथा टेब्लेट जब्द खालामनानै आबकारि बिबानगिरिफोरनो गथायना होनाय जादों। माखासे सान सिगां मनिपुरआव जौनि खेप जब्द खालामनायनि उनाव बेयो नैथि खेब नायबिजिरनाय। बृहस्पतिबारखालि फेग्रा बेसादफोरनि स्मगिलं खालामग्रा नेटवार्कआ सोमोनांदों, जेब्ला आसाम राइफलसफोरा मिज'रामनि चम्फाइ जिल्लायाव 11 किल'ग्रामनिखुइ बांसिन मेथा म्फेटामाइन टेब्लेट बोखानो हादोंमोन अब्ला गोखौ संगालि खौरां मोन्नायाव हान्जाया जेट ओन्सोलाव मोनसे थांखि लानानै सिग्रोमनाये अपारेसन सलायदों, जायनि फोरमान महरै हरिमायारि



बाजारआव गासै 33.33 कौटि रांनि होबथा जानाय मुवा बेसाद जब्द खालामनाय जादों। इयुनि बिजिरनाय आरो आयेनारि नायबिजिरनायनि थाखाय फेग्रा बेसादफोरखौ चम्फाइ आबकारि आरो फेग्रा बेसाद बिफान्नो गथायना

होनाय जायो। बेयो सप्ताहसेनि गेजेराव बे ओन्सोलाव नैथि हाइ-प्रफाइल अपारेसन खालामनाय। 24 जुलाईआव आसाम राइफलसआ मनिपुरनि अवांखुलआव माहारियारि राजा लामा-37 नि खाथियाव 1,430 पेटिनि जौ स्मगिलं खालामनो

नाजानाय सासे सुबुंखौ हमदों। 32,000 निखुइ बांसिन बटलफोर आरो केन लानाय बे खेपनि हमदोनाय बेसेना 1 कौटि रनिमोन। सानै सुबुंफोरखौ ग्रेटर खालामनाय जादों आरो उनाव जायगानि बिबानगिरिफोरनो गथायना होनाय जायो।

No.ACE-22/PWD/NIT/GOODWILL/2025-26/3 Dated Kokrajhar, the 1st August/2025
TENDER NO. 33 OF 2025-26
PRESS NOTICE
(e-Procurement)

The Addl. Chief Engineer-cum-Director, PWD, BTC, Kokrajhar invites bids on behalf of Governor of Assam for 64 (Sixty Four) Nos. of works under SOPD-G under Executive Engineer, PWD, Kokrajhar Rural Roads Division, Kokrajhar, Executive Engineer, PWD, Chirang (R&B) Division, Kajalgaon, Executive Engineer, PWD, Mushalpur (R&B) Division, Mushalpur & Executive Engineer, PWD, Udalguri (R&B) Division Udalguri amounting to Rs. 4719.24 Lakh (Approx.) from the eligible contractors registered under Class-II & I (A,B&C) category under PWD (Roads), Assam or BTC.

Details may be seen at website <http://assamtenders.gov.in> and also at the office of the undersigned during office hours.

NB: Work Order will be issued subject to issue of Administrative Approval by competent authority.

Sd/-
 Addl. Chief Engineer, Cum Director, PWD,
 Bodoland Territorial Council, Kokrajhar

IPR(BTC)/C/2025-26/2269

No. ACE-22/PWD/NIT/GOODWILL/2025-26/2 Dated Kokrajhar, the 1st August/2025
TENDER NO. 32 OF 2025-26
PRESS NOTICE
(e-Procurement)

The Addl. Chief Engineer-cum-Director, PWD, BTC, Kokrajhar invites bids on behalf of Governor of Assam for 135 (One Hundred Thirty Five) Nos. of works under Executive Engineer, PWD, Kokrajhar Rural Roads Division, Kokrajhar, Executive Engineer, PWD, Chirang (R&B) Division, Kajalgaon, Executive Engineer, PWD, Mushalpur (R&B) Division, Mushalpur & Executive Engineer, PWD, Udalguri (R&B) Division Udalguri amounting to Rs.16407.64 Lakh (Approx.) from the eligible contractors registered under Class-II & I (A,B&C) category under PWD (Roads), Assam or BTC.

Details may be seen at website <http://assamtenders.gov.in> and also at the office of the undersigned during office hours.

NB: Work Order will be issued subject to issue of Administrative Approval by competent authority.

Sd/-
 Addl. Chief Engineer, Cum Director, PWD,
 Bodoland Territorial Council, Kokrajhar.

IPR(BTC)/C/2025-26/2265

No.KDA/1/24/2022-23/1177 Date 31/07/2025
ADVERTISEMENT
For Rent/Lease of Commercial Building

Application(s) in prescribed format is/are invited from financially sound party/parties for letting out on rent/lease Commercial Building/Space at main JD Road of Kokrajhar Town near Assam Oil Depot, Kokrajhar. The property is located in front of ICICI Bank, Kokrajhar JD Road Branch and of G+4 RCC structure with parking facilities in ground floor and lift for users. Approximate floor area in each floor is approximately 311.50 sqm. area.

Interested party/parties may obtain details terms and conditions of rent/lease etc. from the office of the undersigned during office hours till 12th August, 2025 and submit the proposal by 3.00 PM on 12th August, 2025.

Sd/- Member Secretary, Kokrajhar Development Authority,
 Kokrajhar

Sd/- Administrator, Kokrajhar Development Authority,
 Kokrajhar

IPR(BTC)/C/2025-26/2256

No.GDB-269/FC-Cell/(6th ASFC)/NIT/2023-24/421 Dated Gossaigaon, the 26th July/2025
NOTICE INVITING TENDER

Sealed Tender are invited in F-2 Form for the works shown below from the intending Registered Contractor of Class-I and Class-II (A, B & C) category of Assam PWD (Roads & Building) with affixing Non-refundable court fee of Rs.8.25 (Rupees Eight and paise twenty five) only in a prescribed Form 6thFC(ASFC) (Grand No. 66) under Devolution Grant (2nd Installment) for the year 2024-25. The Tender will be received on 18-08-2025 upto 1:00 PM in the Office of the undersigned and will be opened on same day at 1:30 PM in the Office of the undersigned and C.S. will be submitted to the Director, P&RD, BTC, Kokrajhar for approval.

Sl. No.	Name of work	Estimated amount	Bid Security	Cost of BID documents (D/D) @ 0.03% (Approx.)	Time of completion
1	Const. of road with earth filling and sand gravelling from PWD road to Masjid at Patialpara village	Rs. 5,00,000/-	Rs. 5,000/- @ 1% for ST/SC/OBC & Rs.10,000/- @ 2% for General	Rs.150/-	6 (six) Months from the date of issue of work order

The Terms and Condition details may be seen at Notice Board in the Office of the Block Development Officer, Gossaigaon Development Block from 26-07-2025 to 18-08-2025 upto 1:00 PM.

Sd/-
 Block Development Officer,
 Gossaigaon Dev. Block, Gossaigaon

IPR(BTC)/C/2025-26/2278

No.KMB.14/15th FC/2024-25/04 Dated Kajalgaon, the 22 July, 2025
SHORT NOTICE INVITING TENDER

SEALED tender in specified Group wise Tender Form supplied by the undersigned affixing a non-refundable Court fee stamp of Rs. 8.25 (Rupees eight and paise twenty-five) only are invited from the intending experience Govt. Registered contractors. The tender will be received by the undersigned for the following work schemes under **award of 15th FC Tied Grant (2nd Installment) for the year 2023-24 up to 1.00 p.m. on 12th August., 2025** and will be opened on the same date, hours and place in presence of the tendered or their authorized representative.

If the office will remain closed on that particular day, the next working day will be the last day of receiving & opening of tender in the same date, hours & place for which no separate communication will be made.

SCHEDULE

GROUP NO.	NAME OF SCHEME	ESTIMATED VALUE Rs.	EARNEST MONEY Rs.	TIME OF COMPLETION
1	Assam Type Compost pit under Kajalgaon Municipal Board	11,75,842.00	23,517.00	90 days
2	Construction of General Public Toilet under Kajalgaon Municipal Board	15,50,667.00	31,014.00	90 days
3	Construction of Drinking water Station at Kajalgaon Municipal Board	11,00,536.00	22,011.00	90 days

Detailed terms and Conditions, plan and Estimate of the works may be obtained from the office of the undersigned during the office hours on all working days up to **11.00 a.m. on 12th Aug, 2025**

Sd/-
 Chairman,
 Kajalgaon Municipal Board

IPR(BTC)/C/2025-26/2253

उनाकटि जिल्लायाव गंसे कारआ पुलिसनि भेनखौ सौख्लायलांदों




लाखिना दंमोन। पुलिस हान्जाया कैलाशहर-कुमारघाट राजा-लामायाव नेम-खान्थि बायदियै पेट्रलं खालामबाय थादोंमोन।

कैलाशहर साब-डिभिसन पुलिस बिबानगिरि जयन्त कर्माकरआ बुडोदि, गांसे जोबोद गोखैथिजों फैबाय

थानाय एसइउभिआ पुलिस भेनखौ सौख्लाय लादों, जायजों सानै सुबुंफोरनि जिउ गोमादों, अदेबानि गुबुन सानै सुबुंफोर

उनाव जोबथा हां बोदों। सासेबाव जोखोम जानाय सुबुंआ फाहामथाइ लागसिनो दं। बिथाडा मिबथि होयोदि, गोखै फैबाय थानाय कारआव सा 4 सुबुंफोरा गाखोनायमोन, जायनि गेजेराव सा 3 जिउ गोमाबाय आरो सासेया जोखोम जानानै दं। पुलिस भेनआव गाखोनाय सासे त्रिपुरा स्टेट राइफलसनि जवानआबो जिउ गोमादों। बिथाडा बुडोदि, आं सानो कारनि गोखैथिया बारा जानायनि जाहोनाव बे जाबबथाया जादों जानो हागो।

कक गफआ नेसनेल बैंक अपेनआव देरहानायजौ आवगायदों



थानाय राउन्डआव समान रेंकिनि आमेरिकानि बादायारि डेनिएल कलिनसनि हेंथायै खेब 23 डबल

पाउल आरो थामथि सेटनि टाइ ब्रेकनिफ्राय रैखाथिनि साननै उनाव बादायलायनाय बे

सेलेन्जआव गफआ कुदेरमेतभाखौ 4-6, 7-5, 6-2 स्करलाइनआव फेजेन्दों। बे खेबआव गफआ कानाडानि 18 बोसोरनि भिक्टरिया रिपाब्लिकनि मेरि बन्कभाखौ 1-6, 6-3, 6-0 स्करआव फेजेन्दों। आमेरिकानि मेकार्तनी के सलारआ बे समवा ब्रैथि रेंकिनि रासियानि मिरा एन्ड्रुभाखौ 7-6(5),

6-4 स्करआव फेजेन्दों। इउके ननि डायाना यास्ट्रेमस्काआ 8 थि रेंकिनि इम्मा नभार'खौ 7-5, 6-4 स्करआव फेजेन्दों। बे खेबआव बिथाडा काजाकिस्ताननि 9 थि रेंकिनि एलिना रिबार्किनाजों सेलेन्जआव ओंखारगोन। जायनि सिगां रिबार्किनाजों सेलेन्जआव ओंखारगोन। जायनि सिगां रिबार्किनाजा रमानियानि जेकलिन क्रिस्टियानखौ 6-0, 7-6(5) स्करलाइनआव फेजेन्दों।

(1 बिलाइनिफ्राय)

उदालगुरि जिल्ला एबसुनि 15थि 13 बोसोर बैसो सिंनि जोबथा जोलुर बादायलायनाया दिनै जोबलांबाय

जाय फाइनाल बादायलायनाया आम्बागाव दख'रा एबसुनि बेंखनाव थानाय उत्तर नलबारि गामिनि गेवलां गेलेग्रा फोथाराव जानानै थांङे। बे फाइनाल बादायलायनायाव अरां दख'रा दुलाराइ बर' फरायसा आफाद आ 5-0 गलनि फारागथियाव खाग्राबारि द'खरा एबसुनि जोलुर हान्जाखौ फेजन्नानै देग्लायनि उदालगुरि जिल्ला दुलाराय बर' फरायसा आफादनि बाज्जायनायाव खुंफुंजानाय 15थि 13 बोसोर

बैसो सिंनि हौवासाफोरनि जोलुर बादायलायनायनि चेम्पियन बिमुं'खौ गावनि दखलाव खालामनो हायो। मोननैबो हान्जानि गेजेराव नारा नाथा जादोंमोनब्लाबो अरां दख'रा दुलाराइ बर' फरायसा आफादनि जानानै अबिद बसुमतारि (6) नयन दैमारि (10) बुहुमासा दैमारि (16) अबिद बसुमतारि (63) आरो दानसोरां दैमारि (66) मोनहा हान्जानि जानानै

गलबा गल सोनो हायो। आरो देरहासाद हान्जानो नोगोद 20 रोजा रंजों लोगोसे गंसे ट्रिपिखौ गथायना होयो दुलाराय बर' हारिमु आफादनि आफादगिरि बिजुवेल नेलसन दैमारिआ। दुलाराय बर' फरायसा आफादआ उन्दै-उन्दै 13 बोसोर बैसो सिंनि बर' हारिनि लाइमोनफोरखौ जोलुर गेलेहोनायनि गेजेरजों बिसोरनि गेजेराव हाबसोनानै थानाय जुनिया रोंगोथिखौ दिन्थिफुंनो, गेलेनाय बिथिं एबा

जोलुरनि जावरिखानायाखौ बर' समाजाव लाबोनो आरो बे थांखिनि गेजेरजों इयुन जिउ राहा दानो हानाय थांखिजों बे बादायलायनायखौ लाबोबाय थादों। बेनिनो थानाय बारनि गेलेगिरिफोरखौ स्टेट लेभेलआव आसाम फुटबल एस'सियेसननि गेजेरजों 13 बोसोर बैसो सिंनि हौवासाफोरनि जोलुर बादायलायनायाव बाहागो लाहोनाय जादों। बेनि गेजेरावनो बिथांमोनहा दिनेनि सानाव आइ लिगआव गेलेनो थाखाय सायख'जादों। बेनिखायनो दुलाराय बर' फरायसा आफादआ जा खामानि मावो गोसो होनानै मावो होन्ना गावनि बिबुंथिआव गुवारै बुंथिना होयो बादायलायनायनि बेखेवगिरि आलासि थामहिनबा दुलाराय बर' फरायसा आफादनि आफादगिरि दिपेन बर'आ।

No.09/ACE/PWD/BTC/2025-26/03 Dated Kokrajhar, the 1st August, 2025
Tender No. 34 of 2025-26
PRESS NOTICE INVITING TENDER

The Addl. Chief Engineer-cum-Director, PWD, BTC, Kokrajhar on behalf of the Governor of Assam invites bids from approved and eligible contractors registered under APWD (Building) or BTC for the work "Construction of Record Room (Third Floor) at the Office of the Addl. Chief Engineer cum Director, PWD, Kokrajhar, BTC, Assam" for a total amount of Rs. 27,05,088.00 (Rupees twenty-seven lakh five thousand & eighty-eight) only (approx.).

Details may be seen at the website www.assamtenders.gov.in and also in the office of the undersigned during office hours.

Sd/-
 Addl. Chief Engineer cum Director,
 PWD, BTC, Kokrajhar

IPR(BTC)/C/2025-26/2281

गाहाम देहानि राहा

बेल बिलाइआ गोबां सावरि जेनाफोरनि थाखाय मुलाम्फा गोनां

आयुर्वेदनि बायदिल्ला, बेल बिलाइफोरा जौनि सावस्त्रि थाखाय बोर जानो हागौ। जौनियाव भिटामिन-ए, भिटामिन-सी, भिटामिन-बी, केलसियाम आरो फाइबरजौ लोगोसे गोबां बिबांनि निउट्रियेन्टफोर थायो। जुदि, नोंथाड नोंथानि आदार बिथांखियाव थार बिबाडव आरो थार लामाजौं बेल बिलाइफोरखौ सोफादेरोब्ला नोंथाड उदैजौ सोमोन्दो थानाय जेनाफोरनिफ्राय गोबां रिलिफ मोननो हागोन। साबसिन फिथाय मोननो थाखाय फुडव उदै खालियाव बेल बिलाइ जानो हायो। सानफ्रोमबो मोननै बेल बिलाइखौ जायोब्ला नोंथाड खालि माखासे हाबथाफोरनि गेजेरावनो मोजां गोहोमफोर नुनो मोनगोन। नोंथानि फोरमायथिनि थाखाय, बेल बिलाइया बिबुनि



सावस्त्रिखौल' साबसिन खालामनायनि अनगायैबो गासै सावस्त्रिखौ मोजाडै लाखिनायावबो गोहोम गोनां जानो हागौ। नोंथाड गोबां समावनो उदैजौ सोमोन्दो गोनां जेनाफोर जेरै कनस्तेज, एसिडिटि, हजम जानाय बायदि जेनाफोरजौ मोगा-मोगि जायोब्ला बेल बिलाइनि मुलियारि गुनफोरा मुलाम्फा गोनां जानो हागौ। बेल बिलाइयाव मोन्नाय कम्पाउन्डफोरा उदैखौ साखोन सिखोन लाखिनायाव मदद होनो हागौ। आचार्य

बालकृष्णनि बायदिल्ला, बेल बिलाइ जानाया कनस्तेजनिफ्राय रैखा मोननायाव मदद होयो। बेल बिलाइयाव मोन्नाय गासैबो निउट्रियेन्टफोरा बिखानि सावस्त्रिखौ गोखौ खालामनायाव गोहोम गोनां जानो हागौ। बेल बिलाइनि हेफाजाबजौ गोब्राब आरो जिउखौ खैफोदगोनां बिखानि बेरामफोरनि खैफोदखौ जोबोद बाडाइ खालामनो हायो। बेलनि बिलाइखौबो लिभारनि थाखाय जोबोद मुलाम्फा गोनां होनना मानिनाय जायो।□

बलिउड मुंदांरवा फावरखुंगुर सन्जय दत्तआ गासै सा 309 गार्लफ्रेन्ड दंमोन

बलिउड स्टार सन्जय दत्तआ गावनो मिबथि होदोमोनदि, गावहा सा 309 गार्लफ्रेन्ड दंमोन। बेव माधुरी दिक्षितजौं लोगोसे माखासे फावरखुंग्रिफोरनि मुडाबो दंफायो। अदेबानि सन्जु बाबानि मुडा एभारग्रिन बिउटिफुल फावरखुंग्रि रेखाजौंबो सरजाब जाखांबाय। फावरखुंगुरआ खेबथाम जुलि जाखांबाय। मिबथियोब्ला गोमोहाबगोन सन्जय दत्तआ हिन्दी सिनेमानि सुपार स्टार दिलिप कुमारनि बिसि सायरा बान'खौबो प्रपज खालामदोमोन। बेनि सोमोन्दै मुंदांखा फावरखुंग्रिआ गावनो फोरमायखांबाय। थानाय बोसोराव सन्जय दत्तनि 65 थि जोनोम सानआव बे बाश्राखौ सोराडव लाबोदोमोन आरो दा 29 जुलाइआव फावरखुंगुरा 66

बोसोर बैसोनि जाबाय। फावरखुंग्रिया मिबथि होदोमोनदि, जेब्ला सन्जय दत्तआ उदैमोन। अब्ला बिथाड गावनि सिगाडव माबायदि प्रपज खालामामोन। बेह्खौ फोरमायथि समाव सायराआ दिलिप कुमार आरो सन्जय दत्तनि मोनसे सावगास्त्रिखौबो शेयार खालामदोमोन, बिथाड मिबथि होदो, सन्जय आं आनि थाखाय सासे नख'रनि सोद्रोमा बायदिमोन, आनि गासै नख'रा बिथांनि देरबोनायखौ नुदो, नरगिसआ जौनि न'नि फांक्सनआव सन्जयखौबो लाबो फायोमोन, बिथाड जोबोद क्युटमोन, नरगिसआ आंखौ लोगो हमो आरो सन्जुखौ बुडेमोन, दाना बुंदो न'आव मा बुडेमोन, अब्ला सन्जुआ आनि फारसे नायो आरो बुडे जे आं



शैला बान'जौं जुलि जागोन, बेयो जोबोद समयना सममोन, आं सानोदि, आं आरो शर्मिलाजौं सानैआ सन्जुनि फेभरेट। मिबथि होनाय जायोदि, सन्जय दत्तआ खेबथाम जुलि जाखांबाय। गिबिसिमाव बिथाड ऋचा शर्माखौ बिसि बानायदो आरो बिजौं बिथांहा सासे फिसाजो त्रिशाला दत्तआ जोनोम जादो। 1996 आव ऋचाआ बेरामआव

गोलैलानै जिउ गोमादो। बेनि बोसोरनै उनाव फावरखुंगुर रिया पिल्लइजौं जुलि जादो आरो बिसोरनि सोमोन्दोआ 2008 सिमल' सोलिदो। बेनि उनाव मान्यता दत्तआ बिथांनि जिउआव फैयो आरो फावरखुंगुरा द थामथि बिसिजौं गोजोन जिउ खुंनानै दं। थामथि बिसिजौं बिथांहा सानै गथ'फोर दं, सासे हौवा आरो सासे हिन्जाव।□

हलिउडनि मुंदांरवा हरर सिरिज 'दा कन्जुरि' आ गावनि सिक्वेल्जौं लोगोसे फैफिनबाय



मुंदांखा हरर सिरिज 'दा कन्जुरि' आ गावनि सिक्वेल्जौं लोगोसे फैफिनबाय। भुटनि फैफिन्नायजौं लोगोसे बे सल'आ बांसिन गिखंथावसिन जादो। बेखौ दा कन्जुरि लास्ट राइटसनि टाइटेल होनाय जादो। बावैसो सिगां सावथुन बानायगिरिफोरा बेनि ट्रेलारखौ रिलिज खालामदो। नायगिरिफोरा हरर फ्रेन्चाजिनि ट्रेलारखौ जोबोद मोजां मोन्दो आरो दा बिसोरो सावथुनखौ नायनो थाखाय नुनो हायै

जादो। सावथुना 5 सेप्टेम्बरखालि सिनेमा हलफोराव रिलिज जागोन। नाथाय बेयो जोबथा खोन्दो जागोन आरो बेजौं लोगोसे दा कन्जुरिनि गिखंथाव सल'आ जोबसिगोन। 5 सेप्टेम्बरखालि सिनेमा हलफोराव रिलिज जानो गोनां 'दा कन्जुरि लास्ट राइट्स' आव रमान्चनि जोबथा सल'खौ दिन्थिगोन। एड आरो लरेन्सनि थाखाय 'दा कन्जुरि लास्ट राइट्स' आ जेबो गोदान बाश्रा नडा। बेजौं बिसोरो गिबियावनो मोगा-मोगि

जाखांबाय। दा बियो फैफिनबाय आरो बिनि फिसाजोखौ थांखि खालामदो। बिनि फिसाजोनि बिफावखौ मिया टमलिंसनआ दिन्थिदो। ट्रेलारआ गिबियाव सरासन्त्रा सुबुंफोर आरो जासुसफोरनि इन्टारभिउनिफ्राय जागायो, जेराव दिन्थिनाय जायोदि, शौतान पेन्सिलभेनियाआ सौहैबाय आरो गाब्रि गोहोआ बिखौ गावनि न' खालामना लायो। सा 8 सुबुंफोरजौं लोगोसे न'आव गोमोथाव माखासे जाथाय जाबाय थायो।

अनुपम खेरआ मोनसे पडकारस्टआव गावनि बिसि किरण खेरनि बागै गोबां बाश्रा सावरायदो

अनुपम खेरआ बावैसो गावनि पार्सेनेल जिउखौ लानानै खौरांआव थादो। बिथाड गावनि बिसि किरण खेरनि सोमोन्दै गोबां बाश्रा सावरायदो। नाथाय मिबथिगौना किरणआ बिथांनि गिबि मोजां मोन्नाय नडामोन। कलेजनि समाव बिथांआ सासे जर'खा लोगोनि थाखाय गोसो गलिदोमोन आरो 1979 आव सानैजौं जुलिबो जादोमोन। बिथांनि गिबि बिसिनि मुडा मधुमालति। नाथाय जुलिया गोबाव सानसिम सोलियाखै आरो उनाव सानैजौं गावस्त्रालायदो। मधुमालतीआ संसार, क्या हादसा क्या ककित, हमसफर, हसरते बायदि सिरियालफोराव खामानि मावदोमोन। बेनि अनगायैबो गदर, गदर 2, दे दे प्यार दे, सोनु की टीटु की स्वीटी बायदि सावथुनफोरावबो बिथाडा नुजाथिखांबाय। उनाव अनुपम खेरआ किरण खेरजौं जुलि



जायो। किरणनि थाखायबो बे जुलिया नैथि जुलिमोन। बलिउडनि स्टार कापल अनुपम खेर आरो किरण खेरनि जुलिया 40 बोसोर आबुं जाबाय। सानैजौं रुजु-रुमुयै जोबोद अनलायनानै थायो आरो सानैनि केमिस्ट्रीआ जोबोद समयना,

नाथाय मोनसे दुखु नांथाव बाश्रा बे ज'रया बिमा-बिफा जानो हायासै। बबेखानि किरण खेरआ गावनि गिबि जुलिआव फिसाज्ला सिकन्दर खेरखौ जोनोम होखांबाय, नाथाय अनुपम खेरआ दुखु मोनोदि, बिथाड बायलजिकेल बिफा

जानो हायासै, नाथाय फावरखुंगुरआ फिसाज्ला गदाय सिकन्दरखौ असे बिफानिखुइबो अन्नाय होयो। फावरखुंगुरआ बावैसो सिगां मिबथि होदोदि, बिथांनि बिसि किरणआ गावनि फिसानि बिमा मानो जानो हायाखै आरो फावरखुंगुरआ

गावनि गोसो सिनि दुखुखौबो शेयार खालाम खालामदो। अनुपमआ मोनसे पडकारस्टआव फोरमायदोदि, किरणआ बिमा जानो हाफिनाखै, मानोना बिथाडा गथ'खौ कन्सिभ खालामनो हायाखै। जेब्ला कन्सिभ खालामदोमोन अब्ला गथ'आ देख'नो हाया जादो। जेब्ला फावरखुंगुरनाव सोंथि खालामो गथ' गैयैखौ लांदां मोन्दांथिया नामा। अब्ला बिथाड बुडे, गिबियाव जेबो मोन्दांथियामोन, नाथाय दा गोनांथि जायो। आं गथ'फोरजौं गोबां खामानि मावबोदो, आं गथ'फोरखौ मोजां मोनो। मिबथि होनाय जायोदि, जेब्ला अनुपम-किरणनि जुलि जादोमोन अब्ला सिकन्दरआ 4 बोसोर बैसोनिमोन।□

फावरखुंग्रि श्वेता टिवारीआ इउटुब चनेलआव गावनि आरो फिसाजोनि बन्डिनि बागै सावरायदो

श्वेता टिवारीआ सासे सिंगेल बिमा आरो जोबोद मोजाडै गावनि गथ'फोरखौ फेदेरगासिनो दं। फावरखुंग्रिनि समयना महरनि थाखाय इन्टारनेटआव लाख लाख सुबुंफोर जावलिया जायो आरो 44 बोसोर बैसोयाव बिथाड गेदेर गेदेर फावरखुंग्रिफोरखौ गावनि एक्टिजौं फेजेनो थाखाय थियारि जानानै थायो। फावरखुंग्रिया गावनि पार्सेनेल लाइफनि सोमोन्दै गोबां खेब सावरय खांबाय। बिथाड गावनि जिउआव गोबां सहायनांबाय, नाथाय बिथांनि खाफालआव महर मोखां खस्थ' सहायनांनयनि जेबो नुथाइखौ नुनो मोनाखै। बावैसो सिगां फावरखुंग्रिया हर्ष लिम्बाचियानि इउटुब चनेलआव फैदोमोन, जेराव बिथाडा गावनि गथ'फोरजौं लोगोसे लोगो



बायदि कानेक्सन आरो बिमा-बिफानि बन्डिनि सायाव बाश्रा सावरायदो। श्वेताआ मिबथि होयोदि, बिथाड सासे जोबोद स्ट्रिक्ट बिमामोन आरो बिथाड उन्दैयाव पलकनि थाखाय माखासे नेमफोर बानायदोमोन। श्वेताआ बुडोदि, बिथाडा सिमनाफोर थि खालामनायनि सायाव फोथायनाय लाखियोमोन। बिथाडा पलकखो डिस्पिप्लनआव थानायनि गोनांथिखौ फोरदो। श्वेताआ बुजायदो, जुदि

पलकआ मोनानि 1 रिगासिमाव न'आव फैफिन्नायनि खोथा होदोब्ला, बियो 1 रिगायावनो न'नि दरजायाव थाफैथारनांगोन। बेनि थाखाय बियो गावनि पाटिखौ ससेयाव नागरानानै फैनाडा मानो, नाथाय फैथारनांगोन। सासे सिंगेल समनि थाखाय गथ'फोरखौ फेडेरनाया जोबोद गोब्राब खामानि जायो। फावरखुंग्रिया बुडोदि, बेनिखायनो बियो मोनफ्राम बेसादनि सायाव नोजोर लाखियोमोन, जाहाथे

जेरावबो जेबो रोखोमनि गोरोस्थि जाया श्वेताआ इन्टरभिउआव गनायथियोदि, रैखाथिनि जाहोनाव बिथाडा पलकनि लकेशनखौ ट्रेक खालामोमोन। बेनि सोमोन्दै सावरायनानै बिथाड बुडे आंहा एसे गिनाय मोनबाय थायोमोन जे बियो सासे हिन्जाव आरो फारसेथिं समाजआ थिग नडा। नाथाय बियो जौ लोडा, बिनि साखाथि-फाखाथिनि सुबुंफोर लोडो। कलेज फरायनाय समावसो बियो गावनि गिबिसिन फनखौ मोन्दो। जेब्ला बियो मेकआप खालामहोजादोमोन अब्ला बियो 16 बोसोर बैसोनिमोन। बियो स्कुलनि फांक्सनाव मेकआप गैयालासे थांदोमोन। श्वेताया फिसाजोखौ रनि आंथिखो मिबथि होनो थाखायबो सोलोथाइ होदोमोन।□

मन्दिरा बेदीआ 25 बोसोर उनाव 'क्योंकि सास भी कभी बहु थी 2' स्व'आव फैफिन्नो हागौ

एक्ता कापुरनि ड्रामा स्व' क्योंकि सास भी कभी बहु थी'आ 25 बोसोर गोबाव गेप थानायनि उनाव फैफिनबाय। बेखौ क्यौंकि सास भी कभी बहु थी रिवुट मुं होनाय जादो। बे स्व'आव स्मृति इरानि आरो अमर उपाध्यायआ तुलसि भिरानि आरो मिहिर भिरानीनि समयनो अन-स्क्रिन जरा महरै फैफिन्दो। आथिखालाव माखासे रिपर्टआ मिबथि

होयोदि, सासेबाव फावरखुंग्रि जाय जागायजेन्नाय सिजननि बाहागोआवबो दंमोन बियो गोदान सिजनजौं लोगोसे टेलिभिजनआव फैफिन्नो हागौ। बियो जादो मन्दिरा बेदी। फिल्िमबिटनि बायदिल्ला, मन्दिरा बेदीआ 25 बोसोरआव टेलिभिजनआव फैफिन्नो हागौ। बे फैफिन्नाया 'क्योंकि सास भी कभी बहु थी' निफ्रायनो फैफिन्नो हागौ।



बिथाड स्व'नि जागाय जेन्नाय सिजनआव डा: मन्दिरा कपाडियानि बिफाव होदोमोन। बिथांनि एक्टिआ गोखौमोन, जायखौ बावगारनो 'मिस बिउटिफुल आइज'नि बिमुं मोन्दोमोन। मडेलिआव मुं आरजिनायनि उनाव शान्ता पलआ माखासे फेशन स्व'फोराव बाहागो लादो आरो हादत-गुबुन हादतआव माखासे रेम्प वाकबो खालामदो। बेनि उनाव बियो सावथुनफोराव आगान होनायदोमोन। शान्ता पलआ माखासे टिभि एड्सफोरगवो नुजाथिखांबाय। बेनि अनगायै बियो बेंगलि आरो साउथनिबो सावथुनफोराव खामानि मावदो आरो इन्डास्ट्रियाव गावनि सिनायथि बानायदो। शान्ताआ गावनि एक्टि आरो मडेलिनि अनगायै समाजयारि बिजो आवबो जोबोद एक्टिभ।□

गोब्राब। बिथांनि फावआ फिसा मोनब्लाबो नाथाय बिथाडा नायगिरिफोरनि सिगाडव मोनसे सिन गालांदो। आथिखालाव जेब्लानिफ्राय बिथांनि फैफिन्नायखौ लानानै सावरायनाय जादो, बे समनिफ्रायनि सुबुंफोरा मिबथिनो थाखाय उसु-खुथु जादो, जे बिथाडा गावनि सिगांनि फावआवनो फैफिनगोन ना गोदान फावआव नुजाथिगोन। नाथाय फावरखुंग्रि आरो मेकासफोरा बेनि फासै मावख'आरि महरै खौरां होयाखै। स्मृति आरो अमरनि अनगायै हितेन तेजवानि, गौरि प्रधान, सन्दिप बसवाना, शिल्पा अग्निहन्त्रि आरो रक्षन्दा खान बायदि माखासे महरगिरिफोराबो बे स्व'आव फैफिनगोन। बेनि अनगायै मौनि रय आरो पुलकिट सम्राट, जाय कृष्णा तुलसि आरो लक्ष्मिनि समयना जरानि बिफाव दिन्थिदोमोन।□

नंखाय फोरमान लाइजौं लोगोसे बांलादेशी फावरखुंग्रि शान्ता पलखौ पुलिसआ ग्रेप्टार खालामदो

बांलादेशनि फावरखुंग्रि शान्ता पलखौ कलकाता पुलिसआ ग्रेप्टार खालामदो आरो बिनि सायाव दाय जाबसिन्नाय जायोदि, बियो नंखाय फोरमानलाइजौं लोगोसे भारतआव थानानै दंमोन। शान्ता पलआ बांलादेशनि सिडाव थानाय बारिसालनि नोगोरारि आरो थानाय माखासे बोसोरनिफ्राय कलकाताआव थानानै दंमोन। बांलादेशी फावरखुंग्रिनिफ्राय नंखाय आधार कार्ड आरो भटार कार्ड मोन्दो, जायनि जाहोनाव बिखौ बेंखनआव लानाय जादो। 8 आगस्टखालि कलकाता पुलिसआ बिखौ कर्टआव गसंहोदोमोन,



बेनिफ्राय बिखौ 8 आगस्टसिम पुलिसआ रिमान्डआव दैथाइ हरनाय जायो। नंथाय फोरमानलाइनि के सआ सोरांआव फैनायनि उनाव शान्त पलआ खौरांआव थादो। शान्ता पलआ गावनि केरियारखौ मडेलिजौं जागाय जेन्दोमोन आरो बियो सिगांसिन फ्रेश लुक' मुनि मोनसे मडेल हन्ट

कम्पिटिशनाव बाहागो लादोमोन आरो बियो देरहासारबो जादोमोन। 2019 माइथायाव शान्ता पलआ मिस एशिया ग्लबेल कम्पिटिशनआव बाहागो लादोमोन, जेराव दर 24 हादतफोरनि मडेलफोरा दंफायोमोन। बे बादायलायनायाव बियो टप-5 सिम सौहैदोमोन आरो बियो

